

Ўзбекистон Республикаси
Адлия вазирлиги томонидан
“Қайта рўйхатга олинган”

2014 йил «23» Октябрь



Ўзбекистон психологлар
Ассоциацияси аъзоларининг
конференциясида
“Тасдиқланган”

2014 йил «13» сентябр



ЎЗБЕКИСТОН ПСИХОЛОГЛАР АССОЦИАЦИЯСИНING

УСТАВИ

(янги тахрирда)

Тошкент-2014

ЎЗБЕКИСТОН ПСИХОЛОГЛАР АССОЦИАЦИЯСИ УСТАВИ

I. УМУМИЙ ҚОИДАЛАР

1.1. Ўзбекистон психологлар ассоциацияси (бундан буён матнда Ассоциация деб юритилади) ўз аъзоларининг ҳуқуқ ва қонуний манфаатларини ҳимоя қилиш мақсадида ташкил этилган нодавлат нотижорат ташкилоти бўлиб, унинг ташкилий-ҳуқуқий шакли жамоат бирлашмаси ҳисобланади.

1.2. Ассоциация ўз фаолиятини Ўзбекистон Республикасининг Конституцияси, Ўзбекистон Республикаси “Нодавлат нотижорат ташкилотлари тўғрисида”ги, “Ўзбекистон Республикасида жамоат бирлашмалари тўғрисида”ги қонунлари, шунингдек нодавлат нотижорат ташкилотлари фаолиятларини тартибга солувчи бошқа норматив-ҳуқуқий ҳужжатлар ҳамда мазкур устав асосида амалга оширади.

1.3. Ассоциация ўз фаолиятини ошқоралик, коллегиялик, ўзаро ҳурмат, тенг ҳуқуқлилик, ихтиёрийлик ва жамоат фикрини ҳисобга олиш тамойиллари асосида юритади.

1.4. Ассоциация Ўзбекистон Республикаси Адлия вазирлигидан белгиланган тартибда давлат рўйхатидан ўтказилганидан сўнг юридик шахс ҳисобланади.

1.5. Ўз фаолият мақсадларига эришиш учун Ассоциация бошқа ташкилотлар билан шартномалар тузиши, мулкӣ ва шахсий номулкий ҳуқуқларга эга бўлиши ҳамда судда даъвогар ва жавобгар сифатида иштирок этиши мумкин.

1.6. Ассоциация ўз номига, муҳр ва штампларига ҳамда белгиланган тартибда Ўзбекистон Республикаси Адлия вазирлигидан рўйхатдан ўтган рамзига, тегишли банкда ўз ҳисоб ва валюта рақамларига ҳамда бошқа ўз фаолиятига зарур бўлган атрибутика ва реквизитларга эга бўлиш ҳуқуқига эга.

1.7. Ассоциация ўз фаолиятини Ўзбекистон Республикаси ҳудудида амалга оширади.

1.8. Ассоциация белгиланган тартибда Ўзбекистон Республикасида ўзининг юридик шахс мақомига эга бўлган ёки юридик шахс мақомига эга бўлмаган ҳудудий бўлимларини ташкил этиш ҳуқуқига эга.

Ҳудудий бўлимлар Қорақалпоғистон Республикаси Адлия вазирлиги, вилоятлар ва Тошкент шаҳар адлия бошқармаларидан давлат рўйхатидан ўтгандан сўнг юридик шахс ҳисобланиб, ўз муҳри ва штамтига эга бўлади. Ҳисобга олинган ҳудудий бўлимлари юридик шахс ҳисобланмайди.

1.9. Ассоциациянинг фаолияти номуайян муддатга ташкил қилинган.

1.10. Ассоциация ўз мажбуриятлари бўйича ўзига тегишли бўлган барча мол-мулки билан жавоб беради. Давлат, давлат органлари, корхоналари ва муассасалари, таъсисчилари ва иштирокчилари Ассоциациянинг мажбуриятлари ва қарзлари юзасидан жавоб бермайдилар. Худди шунингдек, ассоциация давлат, давлат органлари ҳамда корхона ва муассасалар, шунингдек таъсисчилари ва иштирокчиларининг қарзлари ва мажбуриятлари юзасидан жавоб бермайди.

1.11. Ассоциациянинг тўлиқ номи:

Ўзбек тилида: Ўзбекистон психологлар ассоциацияси.

Рус тилида: Ассоциация психологов Узбекистана.

Инглиз тилида: Association of psychologists of Uzbekistan.

1.12. Ассоциациянинг жойлашган ери (почта манзили - 100158): Тошкент шаҳри, Бектемир тумани, Юқори-чирчиқ кўчаси 64-уй.

1.13. Ассоциациянинг жойлашган ери (почта манзили - 100158) ўзгарган тақдирда, бу ҳақда уни рўйхатдан ўтказган органга хабар беради.

II. АССОЦИАЦИЯНИНГ МАҚСАД ВА ВАЗИФАЛАРИ

2.1. Ассоциация фаолиятининг **асосий мақсади** – Ўзбекистон Республикаси аҳолиси учун марказлашган психологик хизматни яратиш, мутахассис-психологларни фаол амалий ва илмий-амалий фаолиятга жалб қилиш, шунингдек, ўз аъзоларининг ҳуқуқ ва манфаатларини ҳимоя қилишдан иборат.

2.2. Ассоциациянинг **мақсадлари** қуйидагилардан иборат:

- Ўзбекистон Республикасида психологияни ривожлантириш имконини берувчи кучларни бирлаштириш ва фаолиятни мувофиқлаштириш учун психология соҳасидаги республика мутахассисларини бирлаштириш;

- психология соҳасида меъёрий актларни ва услубий материалларни, жумладан психологларга бўлган касбий талабларни белгилаб берувчи асосий ҳужжат сифатида амалий психологнинг касбий фаолияти одоби стандартларини ишлаб чиқиш ва тадбиқ қилишда кўмаклашиш;

- манфаатдор ташкилотлар ва муассасаларга, ушбу ташкилотларнинг хусусиятларини эътиборга олган ҳолда, уларнинг ходимларига психологик ёрдам бериш йўллариини белгилашда ёрдам бериш;

- белгиланган тартибда психологик хизматларни бошқаришни ташкил қилишни, аҳолига психологик ёрдам кўрсатишнинг асосий шакллари ва услубларини такомиллаштиришда ҳукумат ва бошқарув органларига кўмаклашиш;

- шахсий, оилавий ва бошқа психологик муаммоларни ҳал қилиш бўйича психологик маслаҳат хизматлари ишини ташкил қилиш;

- рухий касалликларни олдини олиш ва ташхислаш услубларини таҳлил қилиш ва баҳолаш, уларни такомиллаштириш бўйича тавсиялар ишлаб чиқиш, эскирган ёки ўзини оқламаган услублардан фойдаланишни тўхтатишда кўмаклашиш;

- психология соҳасида халқаро тажрибаларни ўрганиш, уларни маҳаллий амалиётга мослаштириш ва татбиқ қилиш;

- бошқа мамлакатларнинг шунга ўхшаш профессионал бирлашмалари ва ташкилотлари билан яқиндан ҳамкорлик ўрнатиш;

- ўз аъзоларининг касбий манфаатларини давлат органлари ва маҳаллий ўзини-ўзи бошқариш органлари олдида намойиш қилиш ва ҳимоя қилиш;

- ташкилотлар, муассасалар ва корхоналарга ходимларни бошқариш ва психологик муҳитни оптималлаштириш масалалари бўйича ташкилий-услубий ёрдам бериш ва зарур маслаҳатлар бериш;

- Ассоциация ва унинг аъзоларининг психология билан боғлиқ бўлган барча тадбирларда иштирок этиши, республикада психологияни мақсадли йўналтирилган тарзда ривожланишини белгилаш ва амалга ошириш учун тегишли лойиҳалар тайёрлаш.

2.3. Ассоциация мақсадига эришиш учун қуйидаги **вазифаларни амалга оширади:**

- Ўзбекистон Республикасида, шу жумладан хориждаги психология бўйича ахборотларни тўплаш, умумлаштириш ва таҳлил қилиш, мутасадди ташкилотларнинг сўровига асосан ахборотларни тақдим этиш;

- илмий-услубий кенгаш ташкил қилиш;

- илғор психологик муассасалар ва юқори малакали мутахассисларнинг ишларини таҳлил қилиш асосида аҳолига психологик ёрдам беришни такомиллаштириш бўйича услубий тавсияларни ишлаб чиқиш;

- Ассоциация аъзоларини ахборот билан таъминлаш, шунингдек, уларга иқтисодий, ташкилий кўмак бериш, Ассоциация аъзоларига ўзаро ёрдам тизимини ташкиллаштириш;

- психологияни ривожлантиришга бағишланган конференциялар, симпозиумлар ва семинарлар, мунозаралар, давра суҳбатларини ташкил қилиш ва ўтказиш, шунингдек уларда қатнашиш;

- Ассоциация аъзоларининг манфаатларини қонунчилик ва ижро органлари олдида ифодалаш;

- давлат ва бошқарув органларига психология соҳасида қонун лойиҳалари ва бошқа меъёрий ҳужжатларни ишлаб чиқиш бўйича таклифлар киритиш;

- маърифий фаолиятни амалга ошириш, психологик билимларни тарғиб қилиш, соғлом турмуш тарзи ҳамда соғлом авлодни тарбиялаш бўйича жамоатчилик фикрини шакллантириш;

- ногирон болалар, кўп болали оналар, болалар уйлари, болалар муассасаларининг ривожланишида нуқсонлари бўлган тарбияланувчилари, афғон жангчилари, уруш ва меҳнат фахрийларига хайрия ёрдамини кўрсатиш;

- таълим соҳаларида амалий психологик ёрдам кўрсатишга кўмаклашиш;

- амалиётчи психологлар ва педагогларнинг психологик ҳолатини ўрганиш, уларга психологик ёрдам кўрсатиш мақсадида педагогик-психологик кўриклар ташкил этиш;

- ҳуқуқни муҳофаза қилиш органларида, корхоналарда (ташкилотларда) психологик хизматлар кўрсатиш, семинар, тренинглар, маърузалар ўтказиш;

- ҳуқуқни муҳофаза қилувчи органлар томонидан тайёрланган қарор ва ажримларга асосан суд психологик экспертизаларини ўтказишга кўмаклашиш;

- белгиланган тартибда мутасадди ташкилотларнинг (олий ва ўрта-маҳсус таълим муассасалари) таклифига биноан ўқув дастурлари ва режаларини тузишда кўмаклашиш, шунингдек, профессионал-ўқитувчи ва бошқарув таркибидаги бўш ўринларни тўлдириш учун ходимларни аттестациядан ўтказиш ва мутахассисларни танлаш учун талаблар ва мезонларни ишлаб чиқишда иштирок этиш;

- белгиланган тартибда индивидуал ва жамоа психологик маслаҳатлар, профессионал маслаҳат ва ташхис ўтказиш, шунингдек, аҳолини ижтимоий мослашишида кўмаклашиш;

- белгиланган тартибда мутахассис-психологлар, шунингдек, кенг миқёсдаги аҳолининг ишлари учун зарур бўлган кўргазмали курулларни, ривожлантирувчи ўйин материалларини, бошқа услубий ва ўргатувчи материалларни тайёрлаш ва тарқатиш.

2.4. Ўзбекистон Республикасининг қонунчилигига мувофиқ Ассоциация мазкур Уставда кўрсатилган мақсад ва вазифаларга алоқадор бўлган бошқа фаолиятларни ҳам амалга ошириши мумкин.

2.5. Маҳсус рухсатнома (лицензия) талаб этувчи фаолият турлари фақатгина мувофиқ лицензия олинганидан кейин амалга оширилади.

III. АССОЦИАЦИЯНИНГ ҲУҚУҚ ВА МАЖБУРИЯТЛАРИ

3.1. Ассоциация белгиланган мақсад ва вазифаларни амалга ошириш учун қуйидаги ҳуқуқларга эга:

- ўз аъзоларининг ҳуқуқлари ҳамда қонуний манфаатларини ифодалаш ҳамда ҳимоя қилиш;

- ижтимоий ҳаётнинг турли масалаларига доир ташаббуслар билан чиқиш, давлат ҳокимияти ва бошқарув органларига таклифлар киритиш;

- давлат ҳокимияти ва бошқарув органларининг қарорларини ишлаб чиқишда қонун ҳужжатларида назарда тутилган тартибда иштирок этиш;

- ўз фаолияти тўғрисида ахборот тарқатиш ва белгиланган тартибда оммавий ахборот воситаларини таъсис этиш ва тегишли лицензия асосида матбаа ва ноширлик фаолиятини амалга ошириш;

- қонунда белгиланган тартибда ўз рамзий белгиларини таъсис этиш;

- ўз фаолиятига тааллуқли масалалар юзасидан йиғилишлар, конференциялар ўтказиш ва бошқа тадбирлар ўтказиш;

- қонун ҳужжатларига ва ўз уставига мувофиқ Қорақалпоғистон Республикаси, вилоятлар ва Тошкент шаҳри ҳамда туман ва шаҳарларда ўзининг ҳудудий бўлимларини ташкил этиш ва улар фаолиятини таъминлаш.

- қонун ҳужжатларига мувофиқ ўз устав мақсадларига мос келадиган доираларда тадбиркорлик фаолияти билан шуғулланиш;

- қонун ҳужжатларида белгиланган тартибда солиқлар, йиғимлар ҳамда бюджетга ва бюджетдан ташқари фондларга бошқа тўловлар тўлашда белгиланган имтиёزلардан фойдаланиш;

3.2. Ассоциация қуйидаги мажбуриятларга эга:

- амалдаги қонун ҳужжатларига риоя этиш ва ўз мол-мулки ва пул маблағларидан фойдаланиш тўғрисидаги ахборот билан танишиш эркинлигини таъминлаш;

- рўйхатдан ўтказувчи органга ўзи ўтказаетган тадбирларга ва фаолият билан танишиш учун эркин кириш имконини бериш;

- ўз фаолиятининг натижалари ҳисоботини юритиш;

- рўйхатдан ўтказувчи, солиқ ва статистика органларига ўз фаолияти тўғрисида ҳисоботлар тақдим этиш.

IV. АССОЦИАЦИЯ АЪЗОЛАРИ, УЛАРНИНГ ҲУҚУҚ ВА МАЖБУРИЯТЛАРИ

4.1. Ассоциация мазкур устав қоидаларини тан олувчи барча фуқаролар ва меҳнат жамоалари учун очик. Ассоциацияга якка ва жамоа тартибда аъзо бўлишлари мумкин.

4.2. Ассоциацияга 18 ёшга тўлган, психология соҳасида ёки психологияга тааллуқли бўлган таълим соҳаларида амалий фаолият олиб

борувчи Ўзбекистон Республикаси фуқаролар ва хорижий фуқаролар Ассоциациянинг якка тартибдаги аъзолари бўлиши мумкин.

4.3. Корхоналар, муассасалар, ташкилотлар, фуқаролар бирлашмаларининг меҳнат жамоалари Ассоциациянинг жамоа аъзолари бўлиши мумкин.

4.4. Якка тартибдаги аъзолар ёзма равишдаги шахсий аризалар асосида, жамоа аъзолар эса — меҳнат жамоалари мажлиси ёки жамоат ташкилотларининг бошқарув органлари баённомасидан кўчирма асосида қабул қилинади.

4.5. Ассоциацияга аъзоликка қабул қилиш ва аъзоликдан чиқиш Бошқарув қарори билан амалга оширилади ва Бошқарув томонидан қабул қилинган Ассоциацияга аъзолик тўғрисидаги Низомда белгиланади.

4.6. Ассоциация аъзолари таркибидан ихтиёрий чиқиш ёзма равишдаги ариза асосида амалга оширилади.

4.7. Кириш ва аъзолик бадаллари миқдори ва тўлаш тартиби Бошқарув томонидан белгиланади, Ассоциация аъзолари таркибдан чиққанда ёки чиқариб ташланганда кириш ва аъзолик бадаллари қайтариб берилмайди.

4.8. Бошқарув томонидан Ассоциация аъзоларига белгиланган намунадаги аъзолик билетлари берилади.

4.9. Ассоциация аъзоларининг ҳуқуқлари:

- Ассоциация фаолияти тўғрисида маълумот олиш;
- Ассоциация томонидан ўтказиладиган тадбирларда қатнашиш;
- Ассоциациянинг бошқарув органларига сайлаш ва сайланиш;
- Ассоциациянинг фаолияти тўғрисида таклиф киритиш, шунингдек, уларни кўриб чиқишда иштирок этиш;

- Ассоциация аъзолигига қабул қилишга рад жавобини олган ёки аъзолигидан чиқарилган аъзолар, бундан норози бўлган тақдирда, бу ҳақдаги шикоят билан Ассоциациянинг раҳбар органига мурожаат қилиш.

- ўз хоҳишига кўра Ассоциация аъзолигидан чиқиш;

- қонун ҳужжатларида белгиланган бошқа ҳуқуқлар.

4.10. Ассоциация аъзоларининг мажбуриятлари:

- таъсис ҳужжатларида ва ушбу уставда белгиланган талабларга амал қилиш ва олган мажбуриятларни бажариш;

- Ассоциация фаолиятини олиб боришга ҳар томонлама кўмаклашиш;

- Ассоциация томонидан ўтказиладиган кўргазмалар, турли тадбирларда фаол иштирок этиш;

- аъзолик бадалларини ўз вақтида тўлаш;

4.11. Ассоциация аъзолигидан қуйидаги ҳолларда чиқарилади:

- Ассоциация аъзолигига қабул қилингандан сўнг уч ой мобайнида аъзолик бадалини тўламаса;
- Ассоциация устав талабларига мунтазам равишда амал қилмаса;
- аъзонинг ўз аризасига биноан;
- аъзонинг вафоти муносабати билан;
- аъзонинг суд томонидан ақлан заиф ёки қисман ақлан заиф деб топилиши муносабати билан;
- аъзонинг Ўзбекистон Республикаси ҳудудидан доимий кўчиб кетиши муносабати билан.

V. АССОЦИАЦИЯНИНГ ТУЗИЛМАСИ ВА РАҲБАР ОРГАНЛАРИ

5.1. Ассоциациянинг раҳбар органлари қуйидагилардан иборат:

- Конференция;
- Бошқарув;

5.2. **Конференция** – Ассоциациянинг олий раҳбар органи ҳисобланиб, мазкур Конференция заруратга қараб, аммо **беш йилда** камида бир марта чақирилади. Навбатдан ташқари Конференция Бошқарув қарори билан ёки Ассоциация аъзоларининг камида 2/3 қисмининг талаби билан чақирилиши мумкин. Қарорлар ҳудудий бўлимлардан тайинланган делегатларнинг кўпчилик овози билан қабул қилинади. Конференцияда делегатларнинг 2/3 қисми иштирок этганда қарор қабул қилишга ваколатли ҳисобланади.

Ассоциация аъзолари Конференция ўтказилиши тўғрисида ёзма равишда, камида 30 кун олдин хабардор қилинадилар. Конференцияни чақириш тўғрисидаги хабарномага режалаштирилаётган Конференциянинг кун тартиби киритилиши керак.

5.3. **Конференция ваколатларига қуйидаги масалалар киради:**

- Ассоциация фаолиятининг истиқболли йўналишларини ҳамда устав мақсад ва вазифаларини амалга оширилишининг узоқ муддатли дастурларини тасдиқлаш;
- Ассоциация фаолияти устидан умумий назоратни амалга ошириш;
- Ассоциация уставини тасдиқлаш, унга ўзгартириш ва қўшимчалар киритиш;
- Ассоциация бошқарув раисини ва ўринбосарларини, Ассоциациянинг 9 кишидан иборат Бошқарув аъзоларини **5 йил** муддатга сайлаш;
- 3 кишидан иборат Назорат-тафтиш комиссияси аъзоларини **5 йил** муддатга сайлаш;

- Ассоциацияни қайта ташкил қилиш ва унинг фаолиятини тугатиш тўғрисида қарор қабул қилиш;

- Ассоциация Бошқарув раиси, Назорат-тафтиш комиссиясининг, ҳудудий бўлимлар раҳбарларининг ҳисоботларини тинглаш, улар бўйича қарорлар қабул қилиш;

Конференция Ўзбекистон Республикаси қонунлари ва Ассоциация ҳужжатларига зид бўлмаган бошқа масалаларни ҳам ҳал қилиши мумкин.

5.4. Конференциянинг мутлақ ваколатига кирувчи масалалар Ассоциациянинг бошқа органига ўтказилиши ёки берилиши мумкин эмас.

5.5 **Бошқарув** – Ассоциациянинг Конференциялари орасидаги доимий фаолият юритувчи органи ҳисобланиб, унинг йиғилишлари бир йилда камида икки марта ўтказилади. Қарорлар унинг аъзоларининг оддий кўпчилик овози билан (51%) қабул қилинади.

Навбатдан ташқари Бошқарув йиғилишлари Бошқарув раисининг ёки Бошқарув аъзоларининг 2/3 қисми талаби билан чақирилади.

5.6. **Бошқарув** қуйидаги ваколатларга эга:

- навбатдаги ва навбатдан ташқари Конференцияларни чақириш, уларнинг кун тартибини белгилаш, шунингдек, Конференция қарорларининг бажарилишини таъминлаш;

- йиллик бюджет, фойда ва ҳаражатлар сметасини тасдиқлаш, Ассоциация мулкани бошқариш;

- Ассоциациянинг ҳудудий бўлимларини ташкил қилиш ва фаолиятини тугатиш тўғрисида қарор қабул қилиш, шунингдек, уларнинг белгиланган тартибда ҳудудий адлия органларида рўйхатга олинишини таъминлаш;

- Ассоциация ҳудудий бўлимларининг фаолиятини мувофиқлаштириш, ҳудудий бўлимлар тўғрисидаги Низомни тасдиқлаш;

- Ассоциациянинг ҳудудий бўлимлари раҳбарларини 5 йил муддатга сайлаш;

- Уставда кўзда тутилган мақсад ва вазифаларни амалга ошириш учун тадбиркорлик тузилмаларини ташкил қилиш тўғрисида қарор қабул қилиш;

- тадбиркорлик тузилмаларининг раҳбарларини сайлаш;

- иш режалари, ходимлар жадвали, ходимларга иш ҳақи тўлаш фондларини тасдиқлаш;

- Ассоциация аъзолигига қабул қилиш ва аъзоликдан чиқариш тўғрисида қарор қабул қилиш, кириш ва аъзолик бадалларини тўлаш тартиби ва ҳажминини белгилаш, аъзолик билетининг ягона шаклини тасдиқлаш;

- Ассоциациянинг рамзини тасдиқлаш;

Бошқарув Ассоциация Конференцияси томонидан берилган бошқа ваколатларни ҳам амалга оширади.

5.7. Ассоциациянинг Назорат-тафтиш комиссияси:

- Ассоциациянинг молиявий-хўжалик фаолияти, маблағларни мақсадли сарфланиши устидан назоратни Конференция томонидан 3 кишидан иборат таркибда, 5 йил муддатга сайланган назорат-тафтиш комиссияси амалга оширилади.

- Назорат-тафтиш комиссияси раиси ва аъзолари Ассоциациянинг бошқа фаолиятларида қатнашишлари, бир вақтнинг ўзида бошқарув ва раҳбар органлари таркибига киришлари мумкин эмас.

- Назорат-тафтиш комиссияси режа асосида, бир йилда камида бир марта, шунингдек Конференция ёки Бошқарув қарорлари асосида режадан ташқари тафтиш қилади ёки шартнома асосида аудитор жалб этади.

- Назорат-тафтиш комиссияси ўз фаолиятини амалдаги норматив-ҳуқуқий ҳужжатлар ва мазкур устав асосида амалга оширади.

- Назорат-тафтиш комиссияси фаолияти юзасидан ҳисоботлар Конференцияда кўриб чиқилади ва тасдиқланади.

5.8. Ассоциация бошқарув раиси Конференция томонидан 5 йил муддатга сайланади.

5.9. Ассоциация бошқарув раиси қўйидаги ваколатларга эга:

- Ассоциациянинг жорий фаолиятига раҳбарлик қилади. Ассоциациянинг мажлисларида раҳбарлик қилади;

- Ассоциация номидан Конференция, симпозиум, форум ва бошқа турли тадбирларда иштирок этади;

- Ассоциациянинг молиявий ва бошқа ҳужжатларига биринчи имзо қўйиш ҳуқуқига эга бўлиб, Ассоциация мол-мулки ва пул маблағларини мустақил тасарруф этади;

- Ассоциация фаолиятини яхшилаш ва юритишга оид лойиҳалар ишлаб чиқади ва Конференция муҳокамасига тақдим этади;

- Ассоциациянинг Конференция ва Бошқарув органлари қарорлари ижросини назорат қилади ва бажарилишини таъминлайди;

- Ассоциациянинг манфаатларини ишончномасиз ифодалайди, шунингдек, Ассоциациянинг бошқа ходимларига ишончномалар беради, банкларда ҳисоб ва валюта рақамларини очади;

- ўз ваколатлари доирасида буйруқ ва кўрсатмалар беради;

- меҳнат қонунчилигига мувофиқ ходимларни ишга олади ва ишдан бўшатади;

- жисмоний ва юридик шахслар билан шартнома ва битимлар тузади;

- Раис ўрнида бўлмаган вақтларда ёки ўз вазифасини бажариш имкони бўлмаганда унинг вазифаси Бошқарув қарорига биноан унинг ўринбосарларидан бирига топширилади;

- Конференция ва Бошқарувнинг мутлақ ваколатига киритилмаган бошқа барча масалалар бўйича мустақил қарорлар қабул қилади ва фаолиятни амалга оширади.

VI. АССОЦИАЦИЯНИНГ МОЛ-МУЛКИ ВА ПУЛ МАБЛАҒЛАРИ ҲАМДА УЛАРНИ ШАКЛЛАНТИРИШ МАНБАЛАРИ

6.1. Ассоциация ва унинг ҳудудий бўлимлари ўз фаолиятларини олиб боришлари учун бинолар, турар-жой фонди, транспорт воситалари, ертехника, асбоб-анжом ва бошқа мулклар, пул маблағлари ва бошқаларга эгалик қилишлари мумкин, шунингдек Ассоциация ва унинг таркибидаги бўлимлар ва бошқа тузилмаларнинг мулклари Ассоциациянинг умумий мулки ҳисобланади;

6.2. Ассоциация мол-мулкани шакллантириш манбалари қуйидагилар:

- кириш ва аъзолик бадаллари;
- ташкилотларнинг ва алоҳида фуқароларнинг ихтиёрий равишда берган ҳомийлик маблағлари ва мулклари;
- уставга асосан семинарлар, маърузалар, кўргазмалар ва бошқа тадбирларни ўтказишдан тушган маблағлар;
- Ассоциация таркибида тузилган тадбиркорлик субъектлари фаолиятлардан тушадиган даромадлари;
- давлат томонидан ажратилган субсидия ва грантлар, ижтимоий буюртмаларни бажаришдан олинган даромадлар;
- наشريётчилик фаолиятидан олинган маблағлар;
- қонунларда таъқиқланмаган бошқа тушумлар.

VII. АССОЦИАЦИЯ ҲУДУДИЙ БЎЛИМЛАРИ

7.1. Ассоциация Қорақалпоғистон Республикаси, вилоятлар ва Тошкент шаҳар ҳамда туманларда белгиланган тартибда адлия органларидан рўйхатдан ўказиладиган ўзининг юридик шахс мақомига эга бўлган ёки юридик шахс мақомига эга бўлмаган ҳудудий бўлимларини ташкил этади.

Ассоциациянинг ҳудудий бўлимлари ўз фаолиятларини мазкур Устав ҳамда Бошқарув томонидан тасдиқланган Ассоциациянинг ҳудудий бўлимлари тўғрисидаги низомга асосан амалга оширадилар.

7.2. Ассоциациянинг ҳудудий бўлимларини тузиш, ташкил этиш ва улар фаолиятини тугатиш тартиби, уларнинг ҳуқуқ ва мажбуриятлари, ҳудудий бўлимларининг раҳбар органлари ваколатлари ва уларни

инквентириш тартиби ҳудудий бўлимлар тўғрисидаги низомда белгиланади.

VIII. ҲИСОБ ВА ҲИСОБОТ

8.1. Ассоциация ўз фаолиятининг натижалари ҳисобини юритади ҳамда рўйхатдан ўтказувчи, солиқ ва статистика органларига белгиланган тартибда ҳисоботлар тақдим этади.

8.2. Ассоциация қонун ҳужжатларида белгиланган тартибда солиқлар, имтиёзлар ҳамда бюджет ва бюджетдан ташқари фондларга тўловлар тўлайди, шунингдек имтиёзлардан фойдаланиш ҳуқуқига эга.

IX. АССОЦИАЦИЯ УСТАВИГА ЎЗГАРТИРИШ ВА ҚЎШИМЧАЛАР КИРИТИШ ТАРТИБИ

9.1. Ассоциация уставига ўзгартириш ва қўшимчалар киритиш Конференция қарори асосида унда иштирок этатган делегатларнинг ярмидан кўшининг овози билан амалга оширилади.

Конференция қарори делегатларнинг 2/3 қисми иштирок этган тақдирда қўшимча ҳисобланади.

9.2. Ассоциация уставига киритилган ўзгартириш ва қўшимчалар Ўзбекистон Республикаси Адлия вазирлиги томонидан қайта рўйхатга олингандан сўнг юридик кучга эга бўлади.

X. АССОЦИАЦИЯ ҚАЙТА ТАШКИЛ ЭТИШ, ТУГАТИШ ТАРТИБИ

10.1. Ассоциацияни қайта ташкил этиш Конференция қарорига биноан бўлиниш, қўшилиш, бўлиниш, ажралиб чиқиш ва ўзгартириш йўли билан амалга оширилади.

Ассоциацияни қайта ташкил этиш қонун ҳужжатларида назарда тутилган тартибда амалга оширилади.

10.2. Ассоциацияни тугатиш делегатларнинг камида 51% овози билан Конференция қарорига биноан ёки суд тартибида амалга оширилади.

10.3. Ассоциацияни тугатиш тўғрисида қарор қабул қилган Конференция Адлия вазирлиги билан келишган ҳолда тугатиш комиссиясини тайинлайди.

10.4. Ассоциацияни тугатиш қонун ҳужжатларида назарда тутилган тартибда амалга оширилади.

10.5. Ассоциация тугатилганда кредиторларнинг талаблари қонунчилардан кейин қолган мол-мулк Ассоциация аъзолари (қатнашчилари),

бунинг раҳбар органларнинг аъзолари ёки Ассоциация ходимлари ўртасида
мумкин эмас. Ундан устав мақсади йўлида ёки хайрия
мақсадида фойдаланилади.

Ассоциация бошқарув раиси



Х.Т.Махмудов

13

БАРАКА ТИЖИЛГАИ, ПАРАМ КҮЙИЛГАН

БАМҲАРАИГАН

